



МОНГОЛ УЛСЫН ИХ СУРГУУЛИЙН
ЗАХИРЛЫН ТУШААЛ

2019 оны 12 сарын 31 өдөр

Дугаар 4/571

Улаанбаатар хот

Г


Журам батлах тухай

Т

Дээд боловсролын тухай хуулийн 11 дүгээр зүйлийн 11.3 дахь заалт, МУИС-ийн Дүрмийн 4.3.1, 4.3.8.4 дэх хэсэг, МУИС-ийн Захиргааны зөвлөлийн хурлын 2019 оны 11 дүгээр сарын 20-ны өдрийн хуралдааны шийдвэрийг тус тус үндэслэн ТУШААХ нь:

- “Монгол Улсын Их Сургуульд суралцагчдад тэтгэлэг олгох нийтлэг журам”-д нэмэлт өөрчлөлт оруулж, журмыг 2020 оны 01 дүгээр сарын 02-ны өдрөөс эхлэн дагаж мөрдсүгэй.
- “Монгол Улсын Их Сургуульд суралцагчдад тэтгэлэг олгох нийтлэг журам”-ыг 1 дүгээр хавсралтаар, “МУИС-ийн нэрэмжит тэтгэлгийн журам”-ыг 2 дугаар хавсралтаар, “Докторын сургалтад суралцаж буй МУИС-ийн багшид тэтгэлэг олгох журам”-ыг 3 дугаар хавсралтаар, “МУИС-ийн эрдмийн зөвлөлийн нэрэмжит тэтгэлэг”-ийг 4 дүгээр хавсралтаар, “Ц.Дамдинсүрэн, Ш.Лувсанвандан, Б.Ринчен нарын нэрэмжит тэтгэлэг”-ийг 5 дугаар хавсралтаар тус тус баталсугай.
- “Монгол Улсын Их Сургуульд суралцагчдад тэтгэлэг олгох нийтлэг журам”-д нэмэлт, өөрчлөлт орсонтой холбогдуулан МУИС-ийн Захирлын 2018 оны 10 дугаар сарын 23-ны өдрийн А/405 тоот тушаалыг хүчингүй болсонд тооцсугай.
- Тушаалын хэрэгжилтэд хяналт тавьж ажиллахыг Сургалт, оюутан хариуцсан дэд захирал /Б.Очирхуяг/, бүрэлдэхүүн/салбар сургуулийн захирал, нэгжийн удирдлагад тус тус үүрэг болгосугай.

ЗАХИРЛЫН ҮҮРЭГ
ГҮЙЦЭТГЭГЧ



Я.ТӨМӨРБААТАР

3340003975

Захирлын 2019 оны 12 дугаар сарын 31-ны
өдрийн 12 дугаар тушаалын 1 дүгээр хавсралт

15/1

1117144746
УХД0072 9104399

МОНГОЛ УЛСЫН ИХ СУРГУУЛЬД СУРАЛЦАГЧДАД
ТЭТГЭЛЭГ ОЛГОХ НИЙТЛЭГ ЖУРАМ

НЭГ. Нийтлэг үндэслэл

1.1. Монгол Улсын Их Сургуульд (цаашид МУИС гэх) суралцаж буй бакалавр, магистр, докторын түвшний суралцагчдын сурч боловсрох, судалгаа шинжилгээний ажил хийж гүйцэтгэх, өөрийгөө хөгжүүлэхэд дэмжлэг үзүүлэх, амжилттай суралцаж буй суралцагчийг урамшуулах, шилдэг элсэгчдийг дэмжих зорилгоор тэтгэлэг олгох үйл ажиллагааг зохицуулаад энэхүү журмын зорилго оршино.

1.2. Энэхүү журмаар МУИС-д амжилттай суралцаж буй шилдэг суралцагчид, улсын болон олон улсын олимпиадад амжилттай оролцож тус сургуульд элссэн элсэгчид, Монгол угсаатан гадаадын элсэгчдэд олгох МУИС-ийн нэрэмжит тэтгэлэг, эрдэм шинжилгээний ажил амжилттай хийж онцгой үр дүн гаргасан суралцагчид олгох Эрдмийн зөвлөлийн нэрэмжит тэтгэлэг, докторын сургалтад суралцаж буй МУИС-ийн залуу багшид олгох тэтгэлэг болон гадаад дотоодын байгууллага, хувь хүний нэрэмжит тэтгэлгийг олгох үйл ажиллагааг зохицуулна.

1.3. Тэтгэлгийн зорилго, төрөл, олгох байгууллага, санхүүжилтийн эх үүсвэр, олгох хугацаа, суралцагчид тавигдах шаардлага, нөхцөл зэргээс хамааруулан бусад байгууллага, хувь хүмүүсийн нэрэмжит тэтгэлгийг тухайн байгууллагаас гаргасан тэтгэлэг олгоход баримтлах журам, МУИС-тай байгуулсан гэрээ, харилцан ойлголцлын санамж бичигт заасны дагуу зохион байгуулна.

1.4. Энэхүү журам нь хоёр дахь дээд боловсролын зэрэг эзэмшихээр суралцаж байгаа бакалаврын хөтөлбөрт эчнээ, орой хэлбэрээр суралцаж буй суралцагчид хамаарахгүй.

ХОЁР. Тэтгэлгийн төрлүүд, олгох хэлбэр

2.1. Тэтгэлэг нь МУИС-д амжилттай суралцаж буй авьяаслаг, шилдэг суралцагчдад дэмжлэг үзүүлэхэд зориулагдах ба суралцагчийн сургалтын төлбөр болон амьжирааны зардлыг бүхэлд нь эсвэл тодорхой хэсгийг санхүүжүүлэхэд буцалтгүй тусламж хэлбэрээр олгогдоно.

2.2. Суралцагчдад олгох тэтгэлэг нь дараах төрлүүдээс бүрдэнэ. Үүнд:

- МУИС-ийн нэрэмжит тэтгэлэг
- МУИС-ийн Эрдмийн зөвлөлийн нэрэмжит тэтгэлэг
- Докторын сургалтад суралцаж буй МУИС-ийн багшид олгох тэтгэлэг
- Гадаад, дотоодын байгууллага, сангийн нэрэмжит тэтгэлэг
- Төгсөгчид, хувь хүмүүсийн нэрэмжит тэтгэлэг
- Бусад тэтгэлэг

2.3. МУИС-иас олгох тэтгэлгийн нөхцөл, суралцагчид тавигдах шаардлага, нэр дэвшүүлэх, шалгаруулах, тэтгэлгийг олгох г.м. үйл ажиллагааг энэхүү журмаар зохицуулна. Гадаад дотоодын байгууллага, хувь хүмүүс, сангийн нэрэмжит тэтгэлгийг олгоход тавигдах шаардлага, болзол зэргийг харгалzan суралцагчийг

тэтгэлэгт нэр дэвшиүүлэх, улмаар анхан шатны шалгаруулалт явуулах ажлыг МУИС хариуцан зохион байгуулна.

2.4. Тэтгэлгийн мөнгөн дүнгийн хэмжээ, олгох хугацаа, давтамж, тэтгэлэгт хамрагдах хүний тоо зэрэг нь тэтгэлгийн төрлөөс хамаарч харилцан адилгүй байна.

2.5. "МУИС-ийн нэрэмжит тэтгэлэг"-ийн олимпиад нөхцөл, ЭЕШ-ийн 1117144746 99ндэр үнэлгээгээр элсэн элсэгчид болон үргэлжлэх нөхцөлтэй тэтгэлгээс бусад тэтгэлэгт хамрагдаж, суралцах хугацаандаа сургалтын төлбөрийн 12 багц цагтай тэнцэх хэмжээний тэтгэлэг авсан тохиолдолд тэтгэлгийг давхардуулж олгохгүй.

ГУРАВ. Тэтгэлгийн мэдээ, мэдээлэл

3.1. Тэтгэлгийн талаарх мэдээллийг оюутан хариуцсан нэгж болон журамд заасан холбогдох нэгжүүд хариуцан, тэтгэлэгт нэр дэвшигчийн бүрдүүлбэл зохих материалыг хүлээн авах хугацаанаас 10-аас доошгүй хоногийн өмнө суралцагчдад зарлан мэдээлж, холбогдох мэдээллийг МУИС-ийн цахим хуудас болон бусад мэдээллийн хэрэгсэлд байршуулан мэдээлэл түгээнэ.

3.2. Тэтгэлэгт хамрагдах суралцагчийн хүсэлт, өргөдөл, анкет, сурлагын дүнгийн болон хувийн мэдээлэл г.м. тухайн тэтгэлгийг олгоход шаардагдах бичиг баримтын бүртгэлийг оюутан хариуцсан нэгж, холбогдох нэгжүүд цахимаар болон эх хувиар хүлээн авч, тухайн тэтгэлгийн материалын бүрдүүлэлт, шалгуур үзүүлэлтийг хангаж буй эсэхийг нягтлан, сонгон шалгаруулалтад бэлтгэнэ.

3.3. Тэтгэлгийн сонгон шалгаруулалтын дүн, шалгарсан суралцагчдын мэдээллийг ил тод, нээлттэй мэдээлнэ.

3.4. Тэтгэлэгтэй холбогдолтой мэдээллийн нэгдсэн санг сургалтын СиСи мэдээллийн системтэй холбон тогтмол шинэчлэх, тэтгэлэгт хамрагдсан талаар тэмдэглэгээ хийх асуудлыг оюутан хариуцсан нэгж хариуцан мэдээг жил бүр МУИС-ийн хичээлийн жилийн тайланд тусгана.

ДӨРӨВ. Суралцагчдад тавигдах нийтлэг шаардлага

4.1. Тэтгэлгийн шалгаруулалтад нэр дэвших суралцагч нь дараах нийтлэг шаардлагуудыг хангасан байна. Үүнд:

4.1.1. МУИС-ийн идэвхтэй төлөвийн суралцагч байх,

4.1.2. Сүүлийн 2 улирал тасралтгүй суралцаж, улиралд 12-оос доошгүй багц цагийн хичээл амжилттай судалсан, бакалаврын түвшний суралцагч байх,

4.1.3. Хоёроос доошгүй улирал тасралтгүй суралцаж, улиралд 6-аас доошгүй багц цагийн хичээл амжилттай судалсан ахисан түвшний суралцагч байх

4.1.4. МУИС-ийн дүрэм, журмыг зөрчиж ямар нэгэн сахилгын шийтгэл авч байгаагүй байх

4.2. Тэтгэлгийн төрлүүдээс хамаараад тухайн тэтгэлэг санхүүжүүлэгчийн нэмэлт болзол, шаардлагыг тусган оруулж болно.

ТАВ. Тэтгэлгийн бүртгэл, материал хүлээн авах

5.1. Суралцагч тэтгэлэгт хүсэлт гаргахдаа "МУИС-ийн суралцагчдад тэтгэлэг олгох нийтлэг журам" болон тухайн зарлагдаж буй тэтгэлгийн зар мэдээлэлтэй танилцан зарлагдсан хугацаанд хүсэлт гаргана.

5.2. Энэ журмын 4-р бүлэгт заасан нийтлэг шаардлага болон тухайн тэтгэлэгт тавигдах бусад нөхцөл, шаардлагыг хангасан суралцагч шаардлагатай материалыг бүрдүүлэн цахимаар бүртгүүлнэ. Эх материалыг зарлагдсан хугацаанд багтаан оюутан хариуцсан нэгж болон журамд заасан холбогдох нэгжид хүлээлгэн өгснөөр бүртгэл баталгаажна.

5.3. Тэтгэлэгт хүсэлт гаргагч нь мэдээллийн үнэн зөв байдлыг **Хариуцах ба бичиг баримтыг хуурамчаар бүрдүүлсэн нь илэрвэл тэтгэлэгт өрсөлдүүлэхээс татгалзах бөгөөд үүнээс үүдэн гарах хариуцлагыг суралцагч өөрөө хариуцна.**

5.4. Оюутан хариуцсан нэгж материалын бүрдүүлэлт, тэтгэлгийн нөхцөл, болзول хангасан байдал зэргийг нягтлан хянаж, шаардлага хангасан материалыг хүлээн авч сонгон шалгаруулалтыг зохион байгуулна.

5.5. Тэтгэлэгт хамрагдах хүсэлт гаргаж буй суралцагч дараах бичиг баримтыг бүрдүүлнэ. Үүнд:

- Суралцагчийн талаарх мэдээллийг агуулсан тэтгэлгийн анкет
- Иргэний болон оюутны үнэмлэхийн хуулбар
- Сурлагын дүнгийн дэлгэрэнгүй тодорхойлолт
- Суралцагчийн хувийн амжилтыг илэрхийлэх баримт бичиг, түүний хуулбар
- Профессор багшийн тодорхойлолт (шаардлагатай нөхцөлд)
- Тэнхим, бүрэлдэхүүн сургуулийн тодорхойлолт (шаардлагатай нөхцөлд)
- Тэтгэлэгт хамрагдахтай холбогдуулж бичсэн эссе (шаардлагатай нөхцөлд)
- Бусад (тэтгэлгийн төрөл, нөхцөлөөс хамаарч бүрдүүлэх нэмэлт материал)
- Гэрээ, нийгмийн идэвх оролцоог дүгнэсэн тодорхойлолт

5.6. Хугацаа хожимдуулсан болон баримт бичгийн бүрдүүлэлт дутуу материалыг хүлээж авахгүй.

ЗУРГАА. Суралцагчдыг сонгон шалгаруулах

6.1. Тэтгэлэгт хамрагдах суралцагчийг сонгон шалгаруулах, тэтгэлэг санхүүжүүлэгч байгууллагад анхан болон эцсийн шатны шалгаруулалтыг хийж холбогдох материалыг хүргүүлэх асуудлыг оюутан хариуцсан нэгж хариуцан зохион байгуулна.

6.2. Сонгон шалгаруулалт явуулах ажлын хэсгийн бүрэлдэхүүнийг Бүрэлдэхүүн сургуулиудын захирлын саналыг үндэслэн МУИС-ийн захирлын тушаалаар томилон ажиллуулна.

6.3. Ажлын хэсэг суралцагчдын сурлагын амжилтыг дээшлүүлэх, тэдний эрдэм шинжилгээний ажил хийх, авьяас чадварыг хөгжүүлэх, шударга өрсөлдөөнийг дэмжих, урамшуулах зарчмыг баримтлан ажиллана.

6.4. Ажлын хэсэг шалгаруулалт явуулахдаа нэр дэвшигчдийн сурлага, эрдэм шинжилгээ, урлаг спортын амжилтын үзүүлэлтүүд, түүнчлэн тухайн тэтгэлэгт тавигдах бусад болзол шаардлагыг хэрхэн хангасан байдлыг гол шалгуур үзүүлэлт болгоно.

6.5. Шаардлагатай нөхцөлд тэтгэлэгт нэр дэвшигчтэй ярилцлага хийж болно.

6.6. Сонгон шалгаруулалтын дүнг ажлын хэсгийн гишүүд гарын үсэг зурж баталгаажуулан холбогдох материалыг оюутан хариуцсан нэгжид хүлээлгэн өгнө.

6.7. Ажлын хэсгийн бүрэлдэхүүн нь оюутан хариуцсан нэгж, багш нарын төлөөллөөс бүрдсэн байна. Шаардлагатай тохиолдолд холбогдох журамд заасан төлөөллөөс оруулна.

6.8. МУИС-иас өөр байгууллага, хувь хүмүүсийн нэрэмжит тэтгэлгийн хувьд анхан шатны шалгаруулалтыг ажлын хэсэг зохион байгуулж, энсийн шатны шалгаруулалтыг тэтгэлэг олгогч байгууллага, хувь хүмүүс хийж сонгогдсон суралцагчдын нэrsийг батлан оюутан хариуцсан нэгжид ирүүлнэ.

6.9. Тэтгэлэгт хүсэлт ирүүлсэн суралцагчдын материалыг буцаан олгохгүй бөгөөд тэтгэлэгт тэнцээгүй суралцагчдын материалыг нэг сарын турш хадгална.

ДОЛОО. Тэтгэлэг олгох, батlamж гардуулах

7.1. Оюутан хариуцсан нэгж болон холбогдох нэгж нь тэтгэлгийн сонгон шалгаруулалтад тэнцсэн суралцагчдад шалгаруулалтын дүнг мэдээлж, мэдээллийг МУИС-ийн цахим хуудсанд байршуулна.

7.2. МУИС-иас олгох тэтгэлгийн батlamжийг хичээлийн жилийн нээлтийн ёслолын ажиллагаа, Эрдмийн зөвлөлийн хуралдаан болон бусад арга хэмжээний үеэр гардуулна.

7.3. Бусад байгууллага, хувь хүмүүсийн нэрэмжит тэтгэлгийг гардуулах ёслолын ажиллагааг тухайн байгууллага, хувь хүмүүстэй байгуулсан гэрээ, харилцан ойлголцлын санамж бичигт заасны дагуу дангаар, эсвэл хамтран зохион байгуулна.

7.4. Суралцагчдад тэтгэлэг олгох тухай захирлын тушаалыг оюутан хариуцсан нэгж, холбогдох нэгж боловсруулан гаргах бөгөөд тушаалд оюутны овог, нэр, бүрэлдэхүүн сургууль, бүртгэлийн дугаар, тухайн улиралд сонгон судлах багц цагийн мэдээллийг тусгасан байна.

7.5. Санхүү төлөвлөлтийн газар нь "Суралцагчдад тэтгэлэг олгох" тухай захирлын тушаал, тухайн хичээлийн жилийн сургалтын төлбөрийг үндэслэн суралцагч нэг бүрээр бодож, тухайн сард багтаан олгоно.

НАЙМ. Тэтгэлгийн санхүүжилтийн эх үүсвэр

8.1. Суралцагчдад олгох тэтгэлгийн санхүүжилтийн эх үүсвэр нь нээлттэй, тодорхой

байх, улс төр, шашны үйл ажиллагааг сурталчлахад чиглэгдээгүй байх шаардлагатай.

8.2. Тэтгэлгийн санхүүжилт нь дараах эх үүсвэрээс бүрдэнэ. Үүнд:

- МУИС-ийн төсөвт тусгагдсан өөрийн хөрөнгийн эх үүсвэр
- Гадаад, дотоодын байгууллага, хувь хүмүүсийн хандив, тусламж
- Бусад эх үүсвэр

8.3. Тэтгэлэг олгогч байгууллага, хүмүүс нь тэтгэлгийн санхүүжилтийг суралцагчид шууд гардуулах, эсвэл МУИС-иар уламжлан олгож болно.

8.4. Тэтгэлгийн санхүүжилтийн хэлбэрээс шалтгаалан МУИС-иар уламжлан тэтгэлгийг олгох тохиолдолд шийдвэрийг МУИС-ийн захирлын тушаалаар баталгаажуулна.

8.5. Тэтгэлгээс суутгал тооцохгүй бөгөөд санхүүжүүлэгч нь тэтгэлгийн санхүүжилтийг МУИС-ийн дансанд валютаар болон төгрөгөөр хийж болох бөгөөд

валютаар хийсэн тохиолдолд тэтгэлэгт хамрагдсан суралцагчид тухайн эдрийн Монгол банкны валютын ханшаар хөрвүүлэн тооцож олгоно.



ЕС. Тэтгэлгийг үргэлжлүүлэн олгох суралцагчдад тавигдах шаардлага

- 9.1. Тэтгэлгийг үргэлжлүүлэн олгоход дараах шаардлагыг тавина. Үүнд:
- Улиралд 12-оос доошгүй багц цагийн хичээл сонгон судалсан байх,
 - Ахисан түвшний хувьд улиралд 6-аас доошгүй багц цагийн хичээл сонгон судалсан байх,
 - Сурлагын голч дүн 3.0-оос буураагүй байх,
 - Оюутан хариуцсан нэгжээс зохион байгуулагддаг арга хэмжээ болон бусад нийгмийн арга хэмжээнд идэвхтэй оролцсон байх,

9.2. Тэтгэлгийг үргэлжлүүлэн олгох суралцагчийн сурлагын голч дүнгийн мэдээлэл болон холбогдох бусад материалыг оюутан хариуцсан нэгж нягтлан хянаж, баталгаажуулна.

АРАВ. Тэтгэлгийг түдгэлзүүлэх, цуцлах

10.1. Тэтгэлэгт хамрагдсан боловч захиргааны болон гэмт хэргийн зөрчил гаргасан, бусад шалтгаанаар сургуулиас түр чөлөөлөгдсөн, сурлагын амжилт буурсан, тэтгэлэгт хамрагдахдаа хуурамч бичигт баримт бүрдүүлсэн г.м. шалтгаанаар тэтгэлгийг үргэлжлүүлэн олгох боломжгүй нь тогтоогдсон нөхцөлд тэтгэлэг олголтыг МУИС-ийн захирлын тушаалаар цуцална.

10.2. Суралцагч чөлөө авсан тохиолдолд тэтгэлгийн төрлөөс хамаарч тэтгэлгийг түдгэлзүүлж болно.

Захирлын 2019 оны ... дугаар сарын ... -ны
өдрийн ... тушаалын 2 дугаар хавсралт

1117144746
УХД0072 9104399

МУИС-ИЙН НЭРЭМЖИТ ТЭТГЭЛГИЙН ЖУРАМ

НЭГ. Тэтгэлгийн зориулалт

1.1. МУИС-ийн нэрэмжит тэтгэлэг нь тус их сургуульд суралцаж буй бакалавр, магистр, докторын түвшний суралцагчдын сурч боловсрох, өөрийгөө хөгжүүлэхэд дэмжлэг үзүүлэх, амжилттай суралцаж буй шилдэг суралцагчийг урамшуулах, зарим мэргэжлээр элсэгчдийг дэмжих зорилготой.

1.2. Тэтгэлгийг хоёр дахь дээд боловсролын зэрэг эзэмшихээр суралцаж байгаа болон эчнээ, орой хэлбэрээр суралцаж буй суралцагчдад олгохгүй.

1.3. Тэтгэлэгт хамрагдсан суралцагч хос мэргэжлээр суралцах тохиолдолд зөвхөн суурь мэргэжлээр суралцахад нь зориулан тэтгэлэг олгоно.

ХОЁР. Тэтгэлгийн төрөл, нэр дэвшүүлэх, шалгаруулах

2.1. МУИС-ийн нэрэмжит тэтгэлэг нь дараах төрлүүдтэй байна. Үүнд:

- 2.1.1 Олимпиадын нөхцөлөөр элссэн элсэгч,
- 2.1.2 Элсэлтийн ерөнхий шалгалтын өндөр үнэлгээгээр элссэн элсэгч,
- 2.1.3 Сурлагын амжилтаар тэргүүлсэн суралцагч,
- 2.1.4 Байгалийн ухааны салбарын хөтөлбөр сонгосон суралцагч,
- 2.1.5 Суралцаж буй чиглэлээрээ олон улсын мэргэжлийн олимпиад, эрдэм шинжилгээний хуралд оролцож амжилт үзүүлсэн суралцагч,
- 2.1.6 Ахисан түвшинд байгалийн ухаан болон инженерчлэлийн чиглэлээр элссэн Монгол угсаатан гадаад элсэгч,
- 2.1.7 Web of Science IF-JCR импакт фактор индекс бүхий мэргэжлийн сэтгүүлд эрдэм шинжилгээний өгүүлэл хэвлүүлсэн, цаашид судалгаа шинжилгээний ажил хийх сонирхолтой гэдгээ нотлон харуулсан ахисан түвшний элсэгч

2.2. МУИС-ийн нэрэмжит тэтгэлэг жил бүрийн 10 дугаар сард, ахисан түвшний тэтгэлэг 10 болон 4 дүгээр саруудад тус тус зарлагдана. Тэтгэлэг зарлагдсан тухай зар, мэдээллийг МУИС-ийн албан ёсны веб сайт болон Сиси системээр түгээнэ.

2.3. Тэтгэлэгт мэргэжлийн тэнхим, удирдагч профессор багш нэр дэвшүүлэх ба суралцагч өөрийгөө дэвшүүлэн өрсөлдөх боломжтой.

2.4. Элсэгчдэд зориулсан тэтгэлгээс бусад "МУИС-ийн нэрэмжит тэтгэлэг"-т нэр дэвшигчдийг нийтлэг журмын 5-р бүлэгт заасны дагуу бүртгэж, 6-р бүлэгт заасны дагуу сонгон шалгаруулна.

ГУРАВ. Тэтгэлгийн шалгуур, хэмжээ, тэтгэлэг олгох

3.1. Суралцагчдад тэтгэлгийн батламжийг МУИС-ийн захирал, дэд захирлууд хичээлийн жилийн нээлтийн ёслол болон бусад ёслолын үйл ажиллагаан дээр ёслол төгөлдөр гардуулна.

3.2. Тэтгэлэг олгох нийт хугацаа 3 жилээс хэтрэхгүй байна.

3.3. Тухайн хичээлийн жилд олгох тэтгэлгийн төрөл, тоо хэмжээг (квот) Захиргааны зөвлөлийн хурлаар хэлэлцүүлж батлуулна.

3.4. Тэтгэлгийн төрлөөс хамааран шалгуур үзүүлэлт болон хэмжээ дараах байдлаар тодорхойлогдоно. Үүнд:

3.4.1 Улсын олимпиадад эзэлсэн байрыг нь харгалzan МУИС-д Шинээр элсэгчид эхний хичээлийн жилийн тэтгэлгийг дараах харьцаагаар олгоно. Үүнд:

- I байр: сургалтын төлбөрийн 100 хувьтай тэнцэх хэмжээний тэтгэлэг
- II байр: сургалтын төлбөрийн 75 хувьтай тэнцэх хэмжээний тэтгэлэг
- III байр: сургалтын төлбөрийн 50 хувьтай тэнцэх хэмжээний тэтгэлэг
- Олон улсын олимпиадад шагналт байр эзэлж, медаль хүртсэн элсэгчид улсын олимпиадын 1-р байранд шалгарсан суралцагчийнхтай ижил хэмжээний тэтгэлэг олгоно.

3.4.2 Суурь шалгалтад тооцуулсан ЭЕШ нь 780 буюу түүнээс дээш оноо авч Хууль зүйн сургууль, Бизнесийн сургууль, Олон улсын харилцаа, нийтийн удирдлагын сургуульд элссэн, 750 болон түүнээс дээш оноо авч Шинжлэх ухааны сургууль, Хэрэглээний шинжлэх ухаан, инженерчлэлийн сургууль, Завхан, Эрдэнэт сургуульд элссэн, Байгаль эх лицей сургуулиас элсэгчдийн хувьд суурь шалгалтад тооцуулсан ЭЕШ-ын үнэлгээ 650 болон түүнээс дээш оноо авч Шинжлэх ухааны сургуулийн Байгалийн ухааны салбар, Хэрэглээний шинжлэх ухаан, инженерчлэлийн сургуульд элссэн бол эхний хичээлийн жилийн сургалтын төлбөрийн 50 хувьтай тэнцэх хэмжээний тэтгэлэг нэг удаа олгоно.

3.4.3 Сүүлийн гурван улирал дараалан 3.5-аас доошгүй голч дүнтэй суралцсан бакалаврын түвшний суралцагч (байгалийн ухаан, инженерчлэлийн хөтөлбөрөөр суралцаж буй суралцагчийн хувьд сурлагын голч дүн 3.2-оос доошгүй байх), сүүлийн 2 улирал дараалан 3.5-аас доошгүй голч дүнтэй суралцсан ахисан түвшний суралцагчид (мэргэжлийн магистрт хамаarahгүй) сургалтын төлбөрийн 50 хувьтай тэнцэх хэмжээний тэтгэлэг олгоно.

3.4.4 Байгаль ухааны салбарын хөтөлбөрийг сонгон суралцаж буй суралцагчийн голч дүн 2.8 болон түүнээс дээш тохиолдолд сургалтын төлбөрийн 50 хувьтай тэнцэх хэмжээний тэтгэлгийг олгоно.

3.4.5 Олон улсын мэргэжлийн олимпиад, эрдэм шинжилгээний хуралд оролцож, эхний 3 байр эзэлсэн суралцагчид тухайн улирлын сургалтын төлбөрийн 50 хүртэлх хувьтай тэнцэх хэмжээний тэтгэлгийг нэг удаа олгоно.

3.4.6 МУИС-ийн ахисан түвшний сургалтад элсэх болзлыг хангасан байгалийн ухаан болон инженерчлэлийн чиглэлээр элссэн Монгол угсаатан гадаад элсэгчийн эхний жилийн сургалтын төлбөрийн 50 хувьтай тэнцэх хэмжээний тэтгэлгийг олгоно. Тэтгэлгийг магистрт сурх бол 2 жил, докторт сурх бол 3 жилийн хугацаанд олгох ба сурлагын голч дүн 3.0-оос доошгүй байх тохиолдолд удирдагч багшийн тодорхойлолтыг үндэслэн үргэлжлүүлэн олгоно. Суралцагч чөлөө авсан тохиолдолд тэтгэлэг цуцлагдана.

3.4.7 Web of Science IF-JCR импакт фактор индекс бүхий мэргэжлийн сэтгүүлд эрдэм шинжилгээний өгүүлэл хэвлүүлсэн, цаашид судалгааны ажил хийх сонирхолтой гэдгээ нотлон харуулсан ахисан түвшний элсэгчид захиргааны зөвлөлийн хурлын шийдвэрийг үндэслэн МУИС-ийн нэрэмжит сургалтын тэтгэлгийг олгож болно.

УХД0072 9104399

3.5. Хичээлийн жилийн нэг улиралд суралцагчид олгох тэтгэлгийн мөнгөн дүнгийн хэмжээг тухайн хөтөлбөрийн 15 багц цагийн сургалтын төлбөрөөс илүүгүйгээр тооцно.

3.6. Суралцагчийн тэтгэлгийг 1-р түвшний суралцагчийн хувьд ерөнхий суурь хичээлийн төлбөрөөр, бусад түвшний суралцагчийн хувьд харгалзах сургуулийн мэргэжлийн суурь болон мэргэжлийн хичээлийн төлбөрөөр тооцно. Ахисан түвшний суралцагчийн хувьд судлах бүх төрлийн хичээлүүдийн төлбөрөөр тооцно.

3.7. Тэтгэлэг үргэлжлүүлэн авах бакалаврын түвшний суралцагчийн хувьд тэтгэлэг олгогч, суралцагч талуудын гэрээ, ахисан түвшний суралцагчийн хувьд тэтгэлэг олгогч, удирдагч, суралцагч талууд гурван талын гэрээг тус тус байгуулсан байна. Гэрээний биелэлтийг дүгнэж тэтгэлэг үргэлжлүүлэн олгохыг ажлын хэсэг шийдвэрлэнэ.

3.8. Журмын 3.4.3-д заасан болон 3.4.4-д заагдсан чиглэлээр тэтгэлэг авч буй суралцагч нь улирал бүр болзлыг биелүүлэх ба биелүүлээгүй тохиолдолд тэтгэлэг цуцлах нөхцөл болно.

3.9. МУИС болон харьяа бүрэлдэхүүн/салбар сургуультай гадаадын их дээд сургууль, судалгааны байгууллагын хооронд байгуулсан гэрээний үндсэн дээр гадаад суралцагчийн сургалтын төлбөрийг гэрээнд заасан хувиар хөнгөлөх хэлбэрээр тэтгэлэг олгох ба МУИС-ийн захиргааны зөвлөлийн хурлаар шийдвэрлэнэ.

3.10. Монгол улсын Засгийн газраас хэрэгжүүлж буй хөтөлбөрийн хэрэгжилтийг хангах, дэмжлэг үзүүлэх зорилгоор МУИС-ийн нэрэмжит тэтгэлгийг захиргааны зөвлөлийн хурлын шийдвэрт үндэслэн олгож болно.

Захирлын 2019 оны... дугаар сарын... -ны
өдрийн 1571 тушаалын 3 дугаар хавсралт

1117144746
УХД0072 9104399

ДОКТОРЫН СУРГАЛТАД СУРАЛЦАЖ БУЙ МУИС-ИЙН БАГШИД ТЭТГЭЛЭГ
ОЛГОХ ЖУРАМ

НЭГ. Тэтгэлгийн зориулалт

1.1. "МУИС-д профессор, багш ажиллуулах журам"-ын 3.3-р заалтыг хэрэгжүүлэх, МУИС-д үндсэн багшаар ажиллаж, тус сургуулийн докторын сургалтад амжилттай суралцаж буй багшид төлбөрийн хөнгөлөлт үзүүлэх хэлбэрээр энэхүү тэтгэлгийг олгоно.

1.2. Тэтгэлгийг докторын сургалтад элсэж, суралцвал зохих хугацаандаа тасралтгүй суралцаж, мэргэжлийн болон мэргшүүлэх хичээлийг судалж, судалгаа шинжилгээний ажилд идэвхтэй оролцож, диссертацийн судалгаагаа хийж буй суралцагчид нэг удаа олгоно.

1.3. Тэтгэлгийг сургалтын төлбөрийн хөнгөлөлт хэлбэрээр, шууд бусаар олгоно.

ХОЁР. Тэтгэлэгт нэр дэвшүүлэх, шалгаруулах

2.1. Дараах болзлыг хангасан суралцагч энэхүү тэтгэлэгт нэр дэвших боломжтой. Үүнд:

- Докторын сургалтад элсэн 3-аас доошгүй улирал, 6 жилээс илүүгүй хугацаагаар суралцаж байгаа МУИС-ийн үндсэн багш (Хүүхэд асрах чөлөөтэй байх хугацааг энд хамруулж тооцохгүй)
- Суралцагч судалбал зохих мэргэжлийн болон мэргшүүлэх хичээлийг судалж багц цагаа бүрэн биелүүлсэн байх
- Суралцагч мэргэжлийн судалгааны семинарт тогтмол оролцож, диссертацийн судалгаагаа идэвхтэй хийдэг байх

2.2. Тэтгэлэгт тухайн суралцагчийн судалгааны ажлын удирдагч профессор багш нэр дэвшүүлнэ.

2.3. Нэр дэвшигчдийг тэтгэлэгт хамруулах асуудлыг мэргэжлийн тэнхим, бүрэлдэхүүн сургуулийн захиргааны зөвлөлийн хурлаар хэлэлцэж дүгнэлт гарган, шаардлага хангасан тохиолдолд холбогдох бичиг баримтыг хурлын тэмдэглэл, шийдвэрийн хамт Ахисан түвшний сургуулийн бодлогын газарт хүргүүлнэ.

2.4. Ахисан түвшний сургуулийн бодлогын газраас бүрэлдэхүүн сургууль бүрээс төлөөлөл бүхий профессор, дэд профессор багш нарын бүрэлдэхүүнтэй ажлын хэсгийг байгуулан МУИС-ийн захирлын тушаалаар баталгаажуулж сонгон шалгаруулалтыг явуулна.

2.5. Тэтгэлэг олгох тухай ажлын хэсгийн дүгнэлтийг МУИС-ийн Захиргааны зөвлөлийн хурлаар хэлэлцэн шийдвэрлэж, захирлын тушаалаар баталгаажуулна.

ГУРАВ. Тэтгэлгийн хэмжээ

3.1. Тэтгэлгийг нэг удаа, суралцагчид давхардуулахгүйгээр олгоно.

3.1. Докторант багшид олгох тэтгэлгийн хэмжээ нь үзүүлсэн амжилтаас шалтгаалан ялгаатай байна. Үүнд:

- Сурлагын голч 3.5-аас бага бол эрдэм шинжилгээний ажлын 4 багц цаг болон диссертацийн ажлын 10 багц цагийн төлбөр

- Сурлагын голч 3.5 ба түүнээс дээш бол эрдэм шинжилгээний ажлын 6 багц цаг болон диссертацийн ажлын 12 багц цагийн төлбөр
- Мэргэжлийн түвшинд хянаагддаг олон улсын эрдэм шинжилгээний сэтгүүлд өгүүлэл хэвлүүлсэн бол эрдэм шинжилгээний ажлын 8 багц цаг, диссертацийн ажлын 14 багц цаг
- Голч дүн нь 3.5 ба түүнээс дээш, мэргэжлийн түвшинд хянаагддаг олон улсын эрдэм шинжилгээний сэтгүүлд өгүүлэл хэвлүүлсэн бол эрдэм шинжилгээний ажлын 12 багц цаг болон диссертацийн ажлын 18 багц цагийн төлбөр

1117144746
УХД0072 9104399

Захирлын 2019 оны ... дугаар сарын ... -ны
өдрийн ... тушаалын 4 дүгээр хавсралт

1117144746

МУИС-ИЙН ЭРДМИЙН ЗӨВЛӨЛИЙН НЭРЭМЖИТ ТЭТГЭЛЭГ

НЭГ. Тэтгэлгийн зориулалт

1.1. МУИС-ийн Эрдмийн зөвлөлийн нэрэмжит тэтгэлэг нь тус их сургуульд суралцаж буй бакалавр, магистр, докторын түвшний суралцагчдын судалгаа шинжилгээний ажил хийж гүйцэтгэх, өөрийгөө хөгжүүлэхэд дэмжлэг үзүүлэх, урамшуулах зорилготой.

1.2. Тэтгэлгийг судалгаа шинжилгээний ажилд идэвхтэй оролцож, профессор багшийн хэрэгжүүлж буй эрдэм шинжилгээний төсөл хөтөлбөрт оролцон судалгааны туслахаар ажилласан, эрдэм шинжилгээний хуралд амжилттай оролцож онцгой амжилт гаргасан, эрдэм шинжилгээний шинэлэг үр дүн бүхий өгүүлэл бичиж хэвлүүлсэн, судалгааны шинжилгээний ажил хийж гүйцэтгэх онцгой авьяастайгаа харуулсан шилдэг суралцагчид олгоно.

ХОЁР. Тэтгэлэгт нэр дэвшүүлэх, шалгаруулах

2.1. Дараах болзлын аль нэгийг хангасан суралцагч МУИС-ийн Эрдмийн зөвлөлийн нэрэмжит тэтгэлэгт нэр дэвших боломжтой. Үүнд:

- Улсын болон олон улсын чанартай оюутны эрдэм шинжилгээний хуралд амжилттай оролцож эхний 3 байрт шалгарсан суралцагч
- Судалгааныхаа ажлын үр дүнгээр шинэлэг үр дүн бүхий эрдэм шинжилгээний өгүүлэл бичиж олон улсын мэргэжлийн сэтгүүлд хэвлүүлсэн суралцагч
- Шинэ технологи, бүтээгдэхүүн, загвар боловсруулсан суралцагч

2.2. Тэтгэлэгт тухайн суралцагчийн судалгааны ажлын удирдагч профессор багш, мэргэжлийн тэнхим, бүрэлдэхүүн сургууль нэр дэвшүүлэн өрсөлдүүлэх боломжтой.

2.3. Тэтгэлэгт нэр дэвшигчдийг нийтлэг журмын 5-р зүйлд заасны дагуу бүртгэл материалыг хүлээн авч, 6-р зүйлд заасны дагуу тэтгэлэг олгож батламж гардуулна.

ГУРАВ. Тэтгэлгийн хэмжээ

3.1. Тэтгэлгийн батламжийг Эрдмийн зөвлөлийн хуралдаан дээр суралцагчид эрдмийн зөвлөлийн дарга гардуулна.

3.2. Тэтгэлгийг жилд нэг удаа, 10 хүртэл суралцагчид давхардуулахгүйгээр олгоно.

3.3. Тэтгэлгийн хэмжээ тухайн хичээлийн жилийн МУИС-ийн бакалаврын түвшний сургалтын төлбөрийн дунджийн 60 хувиас хэтрэхгүй байна.

Захирлын 2019 оны 12 дугаар сарын 31-ны
өдрийн 1571 тушаалын 5 дугаар хавсралт

1117144746

Ц.ДАМДИНСҮРЭН, Ш.ЛУВСАНВАНДАН, Б.РИНЧЕН НАРЫН НЭРЭМЖИТ
ТЭТГЭЛЭГ

НЭГ. Ерөнхий үндэслэл

1.1. МУИС-ийн Эрдмийн зөвлөлийн 1992 оны 2-р сарын 22-ны өдрийн хурлын шийдвэрийн дагуу нэрт монгол судлаач Ц.Дамдинсүрэн, Ш.Лувсанвандан, Б.Ринчен нарын нэрэмжит тэтгэлэг олгоно.

1.2. Тэтгэлгийн зорилго нь монгол судлалын чиглэлээр ажилладаг гадаадын залуу судлаачдыг ахисан түвшний сургалтад хамруулж, мэргэшихэд нь дэмжлэг үзүүлэхэд оршино. Үүнд:

- Ц.Дамдинсүрэнгийн нэрэмжит тэтгэлэг – Монголын утга зохиол, түүх
- Ш.Лувсанвандангийн нэрэмжит тэтгэлэг – Монгол хэл бичиг, эх бичиг судлал
- Б.Ринчений нэрэмжит тэтгэлэг – Утга соёл, угсаатны зүй, хүн судлал

1.3. Нэрэмжит тэтгэлгийг жилд тус бүр 1-2 хүнд олгоно.

1.4. Суралцагч сургалтын хугацаандаа МУИС-ийн дүрэм, бусад холбогдох журам, зааврыг мөрдөнө.

ХОЁР. Нэрэмжит тэтгэлэгт хамруулах

2.1. Нэрэмжит тэтгэлэгт нэр дэвшигч нь монгол судлалын чиглэлээр докторантурт суралцагч болон докторын дараах судалгааны ажил хийх сонирхолтой 40 хүртэлх насын судлаач байна.

2.2. Суралцагч нь хичээлийн жилийн хугацаанд 3 сараар МУИС-д тодорхой хөтөлбөрийн дагуу ахисан түвшний сургалтад хамрагдаж, судалгааны ажил хийсэн байна.

2.3. Нэрэмжит тэтгэлгийн мэдээллийг Монгол судлалын хүрээлэн /MCX/-ээс түгээнэ.

2.4. Нэрэмжит тэтгэлэгт нэр дэвшигч нь доорх материалыг бүрдүүлж, сургалтад хамрагдахаас 3 сарын өмнө МУИС-ийн Монгол судлалын хүрээлэнд ирүүлнэ. Үүнд:

- Боловсрол, ажлын туршлагыг илтгэх биеийн байцаалт (CV)
- Бүтээлийн жагсаалт
- Суралцах зорилго, судалгааны хамрах хүрээг илтгэсэн өргөдөл
- Мэргэжлийн профессорын тодорхойлолт
- Суралцах хугацааны ажлын төлөвлөгөө
- Эрүүл мэндийн үзлэгийн бичиг

2.5. Монгол судлалын хүрээлэн нь тэтгэлгийн сонгон шалгаруулалтын мэдээллийг МУИС-ийн цахим хуудсанд байршуулна.

ГУРАВ. Тэтгэлэг олгох, шалгаруулах

3.1. Тэтгэлэгт шалгарсан судлаачийн ажилд зөвлөх үүрэгтэй мэргэжлийн эрдэмтнийг зөвлөх профессороор томилж ажиллуулна

3.2. Нэрэмжит тэтгэлэгт хамрагдах болзол хангасан судлаачид дараах тэтгэлгийг олгоно. Үүнд:

- Оюутны байранд амьдрах нөхцөлөөр хангах
- Сар бүр 700.000 төгрөгийн тэтгэлэг олгох
- Орон нутагт судалгааны материал цуглуулах ажлаар явахад нэг удаа 300.000 төгрөгийн дэмжлэг үзүүлэх

3.3. Тэтгэлгийн шалгаруулалтыг Эрдэм шинжилгээ, инновацийн хэлтэс /ЭШИХ-/ ийн төлөөллийг оролцуулсан Монгол судлалын хүрээлэнгээс томилсон ажлын хэсэг хариуцан зохион байгуулна.

3.4. Суралцагч суралцах хугацаандаа судалгааны семинарт идэвхтэй оролцох, илтгэл хэлэлцүүлэх, эрдэм шинжилгээний өгүүлэл бичиж хэвлүүлэх үүрэг хүлээнэ.

3.5. Тэтгэлгээр суралцагч сургалт дуусахаас өмнө буюу сүүлчийн сарын тэтгэлгийг олгохоос өмнө судалгааныхаа ажлын тайланг мэргэжлийн тэнхимийн хурлаар хэлэлцүүлж, Монгол судлалын хүрээлэнд ирүүлнэ.
